



Jahresbericht zur 7. Generalversammlung vom 7. Novämber 2022

Clubjahr 2021 / 2022

Liebi Skiclubmitglieder , Skiclubvorstand und Revisorä

Zum bereits 7. mal dörf i eu alässlich vonerä GV verzellä, dass es euse Verein läbt, in Takt isch und ganz cooli jungbliebni Mitglieder hät. (Applaus..)

Mit äm traditionellä Skitag vom Restaurant Friedä im Hoch Ybrig sind mir id Skisaison gstartet. Ganz en tollä Schneetag mit er ä perfektä Organisation vom Heinz.

Das hät richtig spass gmacht.

Dänn spöter am Abig im Restaurant Friedä bi dä Claudia hät es feins Fondue uf eus gwartet. Eimal me Grossartig. Vielä Dank!

Im Summer hämmer mal öppis Neus probiert und händ dä Samschtig uf dä Sunntig gschobä . En Summerbrunch im Schuelhuus Chäferholz hämmer erläbt.

Det händ Mitglider + Fründ zmörgeled und sich ustuscht.

S'bewährte Lotto hät natürli au nöd gfählt.

Dä Res und Sandra händ eus erneut als Gaschtgeber verwöhnt. Eifach Dankä!

Im Septämber händ mir eusi Beiz, dä Friedä , churzerhand in ä feini Pizzeria verwandelt.

S'OK Michel Apolloni + Nöbe Kern händ zwei Pizzaöfä organisiert und installiert. Feini sälber beleiti Pizzas händ än witzigä Namitag für Eu und eui Fründä + Partner möglich gmacht. Ich wiederholl mi, aber aus das hät mega Spass gmacht.

Dä Verein isch nach derä GV mit Mitglieder inkl. Vorstand gemäss Statutä mit 25 Personä bis uf dä letschti Platz bsetzt. Usverhaufft..

Im Bereich Finanzä werdet Ihr nachher vom Res ghörä, das mir guet dastönd, aber das seit eu jetzt dä grad dä Res himself.

Im nöchschtä Jahr möchtät mir am 9. Februar 2023 wieder am Skitag vom Restaurant Friedä mitmachä. Wo anä dä gaht stah nonig fescht. Redit nachher drüber würd i vorschla. Au euses Summerfäscht am 15. Juli oder 16. Juli 2023 isch im Gspröch.

Über äs Skiweekd im März 2022 luegä mer dänn zämä spontan d' Möglichkeitä a und ebeso ein oder zwei Fäschtli im oder ums Restaurant Friedä. Ich schla vor, dass ihr hüt mal drüber redet.

Alli Datä und News sind aktuell uf dä Homepage www.zfriedae.ch abruefbar.

Ehrigä im 2022:

Mir händ gradi Geburtstäg zverzeichnä und dafür gratulierä mir:

- 50. Jahr Michel Apolloni
- 60. Jahr Markus Schön
- 70. Jahr Oski Meier
- 85. Jahr René Nikles

Eu tollä Mitglieter und minä hilfbereitä Vorstandskollegä dankä ich ganz herzlich für D'unterstützig, dä Grippe und Tatädrang für glungeni Aläss und für D'frünschaft.

Im Abschluss von därä GV gits än feinä Huus Bratä mit Gratin und Bilage us dä super Friedä Chuchi .
Drum hörr i jetzt dä grad uf mit plapperä.

Fürs neue Jahr wünschä ich eu au im Namä vom Vorstand viel Elan, Gsundheit und unfallfrei i Skitag.

Dä Präsident

Richi Eschmann